

易

林

釋

文

易林釋文卷二

山陽丁 晏儉卿輯

復之第二十四

坤 覲利危躬 左氏桓二年傳下無覲覲注不敢冀望

上位釋文覲音冀廣韻覲覲希望也

需 河川流通西門子產 案西門謂西門豹也史記西

門豹發民鑿十二渠引河水灌民田田皆溉子產田有

封漁事見左傳

履 霜降歸嫁夫以為合 家人之損云剛柔相呼二姓

為家霜降既同惠我以仁周禮媒氏疏王肅論引韓詩

傳古者霜降逆女冰泮殺止荀子大略篇亦云霜降逆

女冰泮殺內

豫 挈瓶之使不為憂懼 左傳雖有挈餅之知守不假

器禮也杜注挈餅汲者喻小知爲人守器猶知不以借人餅瓶同

觀 東行破車步入危家 毛本危作范誤夫之訟云東人破車步入危家宋本作危不誤

晉 飛之日南還歸遼東 漢書地理志日南郡故秦象郡遼東郡秦置屬幽州

家人 綏我齟齬 一本作齒兒字誤倒大畜之大壯云保我齟齬與此正同

蹇 宛馬疾步 宛馬見史記大宛傳毛本作跪馬良之鼎亦云宛馬疾步

无妄之第二十五

乾 儻耳穿胸僂離旁春 毛本作纏離勞春有誤字師之譜云穿胸狗邦圖離旁春漢書武帝紀定越地曰慮

珠厓僭耳郡應劭曰僭耳者種大耳渠率自謂王者耳  
尤緩下肩三寸師古曰僭音丁甘反

小畜 鱖蝦去海游於枯里 爾雅釋魚鱖鱖紛蝦郭注  
今泥鱖釋文蝦下家反或作蝦莊子外物篇索我於枯  
魚之肆韓非子爛餅菜羹枯魚之膳古樂府枯魚過河  
泣何時悔復及枯里猶枯肆也

剝 行露之訟貞女不行 毛本作眞女古貞眞通用

離 重黎祖後司馬太史 史記太史公自序昔在帝顓  
頊命南正重以司天北正黎以司地唐虞之際紹重黎  
之後使復典之故重黎氏世序天地當周宣王時失其  
守而爲司馬氏司馬氏世典周史索隱引干寶云司馬  
氏黎之後是也

睽 顏淵閔騫 毛本作問騫誤咸之坤亦云顏淵子騫

萃 蜉蝣戴盆不能上山 太平御覽蟻引蜉蝣戴盆

貝 錫刃不入 宋本作鉛刀不及

異 九疑鬱林沮溼不中 淮南子原道訓九疑之南陸  
事寡而水事眾注九疑山名也在蒼梧

兒 搏狴逢虎患厭不起 明夷之小過云虎怒捕羊狴  
不能攘豫之比云虎飢欲食爲蝟所伏大過之革云從  
狴見虎雖危不殆廣雅虎王狴也本草蝟皮陶注田野  
中有此獸人犯近便藏頭足毛刺人不可得捉能跳入  
虎耳中蝟能制虎故繇象屢及之

渙 狗生龍馬 觀之井曰獾作龍身初學記引白澤圖  
曰黑狗白頭長耳卷尾龍也陶潛搜神記會稽句章人  
張然養一狗甚快名曰烏龍太平御覽引徐偃王志有  
犬名鵠倉臨死更生角而九尾實黃龍也

中孚 從五隼噪操矢無咎 廣韻十三末善古活切箭  
善受弦處劉熙釋名矢末曰栝栝會也與弦會也商書  
若虞機張往省括于度則釋筈與栝栝同 扶服聽命  
案扶服卽匍匐也毛詩匍匐救之檀弓引詩作扶服  
奔喪而哭之鄭注匍匐或作扶服左氏昭二十一年傳  
扶服而擊之釋文或作匍匐同

大畜之第二十六

大畜 朝鮮之地箕伯所保 毛本作姬伯聲之誤也漢  
書地理志樂浪郡縣朝鮮應劭曰武王封箕子於朝鮮  
後漢書東夷傳朝鮮箕子教以禮義田蠶又置八條之  
教其人終不相盜無門戶之閉婦人貞信飲食以籩豆  
注前書曰箕子教以八條者相殺者以當時償殺相傷  
者以穀償相盜者男沒入爲其家奴女子爲婢欲自贖

者入五十萬音義曰八條不具見也

乾 金柱鐵關膠固衛災 太平御覽居處部引作堅固

衛災

同人 樂子作殃伯氏誅傷州犁奔楚失其寵光 左氏

成十五年傳晉三卻害伯宗譖而殺之及樂弗忌伯州

犁奔楚杜注州犁伯宗子

離 車鄰白顛知秦興起 一本作東鄰誤旅之秦云車

顛白顛

大壯 太乙置酒樂正行觴 否之大壯云太乙駕驅從

天上來漢書藝文志泰一陰陽二十三卷泰一二十一

卷史記日者傳太乙家曰大吉後漢書高彪傳天有太

乙在將三門注太乙式凡舉事皆欲發三門順五將史

記天官書天極星其一明者太乙常居也正義曰泰二

天帝之別名也太一一星次天一南亦天帝之神復之  
家人曰太乙置酒樂正起舞

益 南箕無舌飯多沙糠 案小過之比亦作飯多沙糠

一本作沙糖誤

夫 太子扶蘇出於遠郊 事見史記秦本紀

困 兩雷三日 毛本作三月

豐 火山不然 毛本作泰山何本作太

未濟 符左契右相與合齒 列子云宋人有得人遺契

者密數其齒曰吾富可待矣管子云貸粟米者有別券

五穀以平賈取之定其券契之齒

### 頤之第二十七

臨 東關二五禍及三子 左氏僖二十八年傳賂外嬖

梁五與東關嬖五二五卒與驪姬譖羣公子而立奚齊



晉人謂之二五耦萃之復云東關良工禍及三子良工字誤當作二五先謙案當為梁五梁良聲同五工形近

大過 蒼黃不勝旅人艱苦 文選北山移文蒼黃翻覆

與倉皇同

蹇 殺行桃園 左氏宣二年傳趙穿攻靈公於桃園

螳螂之敵使我無患 莊子螳螂之怒以當車轍後漢

書建螳螂之斧禦隆車之隧韓詩外傳齊莊公出獵螳

螂將搏其輪御者曰其豈知進而不知退不量力而輕

就敵

解 箕仁入室政衰弊極 案箕子仁人而被囚奴商政

衰敝之極也唐韻正福字注引易林箕仁入室舊本如

此黃本改作飢人翟本從之此肌改之失也疏案案室

仁入室請箕子入於請室也

公孫爭之疆入委禽 一本作委命字形之誤毛詩  
古音考南字引強入委禽明陳氏所見本不誤也姤之  
小畜云公孫爭之強入委禽左氏昭元年傳鄭徐吾犯  
之姤美公孫楚聘之矣公孫黑又使強委禽焉杜注禽  
雁也納採用雁

大過之第二十八

豫 晨風文翰 毛詩豳彼晨風爾雅釋鳥晨風鷓郭注  
鷓屬升之恆云假文翰翼隨風背北

臨 六家作懋公室劓分陰制其陽唐叔失明 案唐叔  
晉所都也謂晉六卿分晉

大壯 叔帶之災居于汜廬 一本作君子記廬誤案春  
秋僖二十四年天王出居於鄭左傳大叔以狄師攻王  
王出適鄭處於汜王使來告難曰得罪於母之寵子帶

副在鄭地汜昭二十六年傳天不靖周施於叔帶惠襄  
避難越去王都村注叔帶襄王弟叔帶作難襄王處汜  
姑 子般鞭羣圉人作患 一本作鞭革非左氏莊三十

二年傳雩講於梁氏女公子觀之圉人羣自墻外與之  
戲子般怒使鞭之共仲使圉人羣賊子般於黨氏

升 蝦蟆羣聚從天請雨 續漢書禮儀志注春早求雨  
取五蝦蟆錯置於社之中地方八尺深一尺置水蝦蟆  
焉

漸 臺駘味子明知地理障澤宣德封居河湟 左氏昭  
元年傳昔金天氏有裔子曰昧為元冥師生允格臺駘  
帝用嘉之封諸汾川實守其祀

渙 鳥鳴夜中 毛本鳴作噲

小過 兩心相悅其其蒹藹 案毛本原注蒹藹一作茅

蓋宋本作柔筋翟云當作茅菹凡此並當闕疑不必強  
解其蕨蕨案柔筋固謂茅蕨蕨亦非當是蕨蕨之說其  
蕨蕨以助祭節召南草蟲所謂言采其蕨言采其蕨也其  
采蕨所謂節之僅僅夙夜在公言廟見之後即助祭也  
易林云兩心相悅又云不離房中得君子意即草蕨所  
謂既見君子我心則悅言祭行之後即成昏也古者大  
夫以上皆三月漸見助祭然後成昏賈服左傳注所言  
與易林可以互證翟氏謂當作茅菹與上下文語意不  
說非也

坎之第二十九

屯 重耳恭敬誅殺子圉 案晉文公殺懷公子圉重耳  
立事見僖二十四年左傳

需 狗冠鷄步君失其所 宋本作雞步漢書五行志昌  
邑王賀見大白狗冠方山冠而無尾此服妖亦犬獸也  
郎中令龔遂曰此天戒言在仄者盡冠狗也京房易傳  
曰君不正臣欲篡厥妖狗冠

奠 輕車醜祖疾風暴起促亂祭器飛揚鼓舞 毛詩仲

山甫出祖箋祖者將行犯軼之祭也又韓侯出祖箋祖將去而犯軼也聘禮記出祖釋軼祭酒脯乃飲酒於其側鄭注祖始也既受聘享之禮行出國門止陳車騎釋酒脯之奠於軼爲行始也周禮大馭犯軼注既祭之以車轅之而去喻無險難也杜子春云軼謂祖道轅軼磔犬也說文醜祭耐也豫之大畜云住馬醜酒餒與醜同

離之第三十

小畜 爲燕攻齊良弓不張騎劫憂亡 翟云燕惠王因已疑樂毅復得齊反問乃使騎劫代將而召樂毅齊田單後與騎劫戰敗騎劫於卽墨下見史記樂毅傳作騎擊者非

大有 比至火中枝葉盛夏 案火中謂夏月也坎之豐

云火中仲夏未濟之復云火中暑退左氏昭三年傳火  
中寒暑乃退注心星以季夏昏中而暑退

大過 被綉夜行不見文章 漢書朱買臣傳富貴不歸  
故鄉如衣繡夜行繡與綉同小過之否曰衣繡夜遊與  
君相逢

噬嗑 金城鐵廓 太平御覽居處部引作鐵郭作廓字  
誤

蹇 東山皋落勇悍不服金玦玩好衣爲身賊 左氏僖  
二年傳晉侯使太子申生伐東山皋落氏狐突歎曰佩  
之金玦喪其衷也金寒玦離胡可恃也

損 東里宣敷尊主安居鄭國无患 案東里謂鄭子產  
益 泉起崑崙西出玉門流爲九河無有憂患 爾雅釋

水河出崑崙虛色白郭注山海經曰河出崑崙西北隅

漢書西域傳云河有兩源一出蔥嶺山一出于閩于闐  
在南山下其河北流與蔥嶺之河合東注鹽澤出玉門  
陽關三百餘里

震 見蛇交臥惜蚺畏惡 說文蠐蚺蛇醫以注鳴者方  
言守宮謂之祝變毛本作變於義亦通

未濟 不如定証 宋本作定從

威之第三十一

蒙 國馬生角陰孽萌作 漢書五行志文帝十二年有  
馬生角於吳角在耳前上鄉京房易傳曰臣易上政不  
順厥妖馬生角開元占經引地鏡曰馬忽生角其君以  
兵攻國破亡

同人 以鹿爲馬欺誤其主 案趙高事見史記秦本紀  
隨 鸛鳩徒巢西至平州 左氏宣元年傳公會齊侯於

平州注平州齊地在泰山牟縣西

蠱 販鹽不利市賈折閱 荀子良賈不爲折閱不市

賁 雄狐綏遺 宋本作唯唯毛詩雄狐綏綏又傲笱云

其魚唯唯釋文引韓詩作遺遺言不能制也

家人 凱風无母何恃何怙 牟云凱風无母與毛詩序

異漢書東平憲王蒼傳以慰凱風寒泉之思清河孝王

慶傳常有蓼莪凱風之哀蓋用三家古義凱風爲母沒

之後孝子哀思之詩可與此辭相證

解 常葉折衝 一本作唐桑折衝 佐鬪者傷 周語

佐離者嘗焉佐鬪者傷焉

夬 坐尸爭骸 一本作坐尸孚骸

萃 合沓同牢 儀禮士昏禮實四爵合沓鄭注合沓破

匏也釋文沓居敏反說文蓋蠶也廣韻十九隱沓以瓢



為飲器婚禮用之菴上同禮記昏義共牢而食合盞而  
酌所以合體同尊卑以親之也垢之復云合匏同牢

中孚 三頭六目道畏難宿 山海經海外南經其為人

一身三首海內西經有三頭人伺琅玕樹淮南墜形訓

有三頭民高誘注身有三頭蠱之旅曰三身六目遯之

需占三手六目政多煩惑三手當作三首聲之誤也

恆之第三十二

家人 失我能熊 宋本作熊齒

損 勝相賊火得水息 吳越春秋天有四時人有五

勝注五勝謂金木水火土五德迭相勝漢書律志秦推

五勝以為水德

大 爭雞失羊亡其金囊 易緯坤靈圖太山失金雞西

岳亡玉羊雞失羊亡臣從恣主方伴注西岳之精為玉

羊

姤 十登九陟馬跌下前管子佐之乃能上山 國語齊  
語管子曰南征伐楚踰方城登汶山至於石抗縣車束  
馬踰大行與辟耳之谿拘夏韋注大行辟耳山名拘夏  
辟耳之谿也

漸 撞頓東徙 說文撞水出廣漢梓潼北界徒紅切頓  
謂止舍之處史記王翳傳三日三夜不頓舍

翼 怨重被燒 宋本作怨虱燒被

兌 狗吠非主 嚙傷我足 戰國策勃謂田單曰跽之狗  
吠堯非其主也漢書蒯通傳狗各吠非其主

小過 如岐之室一息十子古公治邑 案文王治岐是  
生十男古公亶父去幽始遷岐邑也

遜之第三十三

坤 周成之隆刑措無凶大宰讚祐君子作仁 案周成

王時周公為大宰也一本作大眾非漸之小畜作大宰

費祜君子作人費乃讚字之誤古人仁通用

需 皋陶瘖聾亂不可從 文子曰皋陶喑而為大理喑

與瘖同

隨 堯問伊舜 翟云當作尹壽新序雜事堯學乎尹壽

晏案歸妹之小畜云堯門尹爵聖德增益謂尹壽也案

堯門尹爵即堯問尹壽之誤  
漢隸書壽字作爵與爵相似

蠱 昭公失常季氏恃狂遊齊處輒喪其寵身 事見左

傳

損 利詰妒姝 宋本作利詰奸妖

震 驄騁黑鬣東歸高駘 大壯之謙云驄鬣黑鬣東歸

南解玉篇騁驄音昌馬行兒鬣子紅切馬鬣

小過 逢駿猛虎爲所吞殤 爾雅釋畜駿如馬倨牙食  
虎豹郭注山海經云有獸名駿如白馬黑尾倨牙音如  
鼓食虎豹

大壯之第三十四

需 丞相命駕胡亥失所 案丞相謂李斯胡亥二世名  
也事見史記秦本紀刺之中孚云高弑望夷胡亥以斃  
小畜 秦失嘉居河伯爲怪還其銜璧神怒不祐 史記  
秦始皇三十六年使者從關東夜過華陰平舒道有人  
持璧遮使者曰爲我遺瀉池君今年祖龍死因忽不見  
使者奉璧具以聞乃二十八年行渡江所沈璧也

豫 信譎龍且塞水上流半渡決襲楚師覆亡 漢書韓  
信傳龍且與信夾濰水陳信乃夜令人爲萬餘囊盛沙  
以壅水之流引兵半渡擊龍且陽不勝還走龍且果喜

信使人決壅囊水大至能且軍大半不得渡卽急擊殺  
龍且

觀 五石示象襄伯不成 左氏信十六年傳隕石于宋  
五隕星也周內史叔興聘於宋宋襄公問焉對曰君將  
得諸侯而不終伯讀如霸謂宋襄圖霸不成也

剝 乘風禹橋 宋本作雨橋史記河渠書禹抑鴻水山  
行卽橋徐廣曰橋近遙反夏紀作搆搆直轅車也毛本  
作禹原注禹一作兩

无妄 張氏揖酒請謁左右平叔枯槁獨不蒙所 史記  
陳丞相世家富人右張負獨偉視平曰人固有美好如  
陳平而長貧賤者乎卒與女子酒肉之資以內婦平家  
負郭窮巷弊席爲門其嫂嫉平不視家生產曰亦食糠  
覈耳有叔如此不如無有言平叔當枯槁之時不蒙時

人所許也 毓案叢書本平叔作王時注云王一作

益 太妣之孫周文九子 大雅思齊云太妣嗣徽音則

百斯男毛傳太妣文王之妃也太妣十子眾妾則宜百

子也正義引史記管蔡世家武王同母兄弟十人長子

伯邑考次武王發次管叔鮮次周公旦次蔡叔度次曹

叔振鐸次廊叔武次霍叔處次康叔封次聃季載左氏

定四年傳武王之母弟八人周公為太宰康叔為司寇

聃季為司空五叔無官注管叔鮮蔡叔度成叔武霍叔

處毛叔聃正義曰伯邑考已死不數案劉向列女傳亦

言太妣生十男與史遷同不數伯邑考故云九子也 毓

案叢書本妣作姬下句既言周文九子似當作太任為是若作太妣則不待言係矣

漸 陽氏狂惑季孫亂潰 案陽氏謂陽虎也

翼 敵人襲戰閔王逃走 史記田敬仲完世家宣王卒

子湣王地立燕將樂毅入臨淄盡取齊之寶藏器湣王  
出亡之衛衛君辟宮舍之稱臣而共具湣王去走鄒魯  
弗內遂走莒楚使淖齒相齊殺湣王左傳閔公史記魯  
世家作湣公湣與閔同

晉之第三十五

屯 梁君好城失其安居 左氏傳十九年傳梁亡不書  
其主自取之也初梁伯好土功亟城而弗處秦遂取梁  
大畜 賈辛醜惡妻不安夫 左氏昭二十八年傳賈辛  
爲邢大夫見於魏子魏子曰辛來昔賈大夫惡娶妻而  
美三年不言不笑御以如皋射雉獲之其妻始笑而言  
今子少不麗吾幾失子矣革之未濟云賈辛醜惡妻不  
安夫一本作賈辛誤

坎 飛兔腰裏 呂氏春秋離俗覽飛兔要裏古之駿馬

也高誘注皆馬名日行萬里馳若兔之飛因以為名開  
元占經引瑞應圖飛兔者馬名也日行三萬里又引應  
劬漢書注腰裏古駿馬赤喙元身日行一萬五千里玉  
篇裏駿裏奴了切歸妹之漸亦云飛兔裏駿唐韻正母  
字注引作騷裏宋本作腰裏非

萃 鴉鵲鵲 宋本鴉鵲作鴉鵲

井 入才既登以成嘉功 一本作入材誤良之歸妹云

入才既登

小過 章父憂僂箕子佯狂 宋本作章甫薦履賁之屯

剝之泰俱云章甫薦履箕子佯狂案章甫殷冠箕子服

之漢書賈誼傳弔屈原賦曰章父薦履不可久兮顏注

言冠乃居下履反在上也父讀曰甫 昌案章父薦履即

冠履倒置之意賈 誼傳冠雖蔽不以苴履薦履即苴履也毓崧案穀梁傳

八年傳云弁冕雖蔽必加于首與賈誼傳可以互證



說文薦之所食草也薦屨謂草屨佯狂爲奴服草屨也

明夷之第三十六

履 暮成藿羹 太平御覽豆引作藿葉 志快心懽

御覽豆引志快意懽

賁 光禮春成陳寶雞鳴 困之未濟云光休春成陳寶

雞鳴賁之夬云光禮春成陳倉雞鳴大有之井云光祀

春成陳項雞鳴文選西京賦岐梁汧雍陳寶鳴雞在焉

李善注引史記封禪書秦文公獲若石於陳倉北坂城

其神光輝若流星從東方來集於祠則若雄雉其聲殷

殷云野雞夜鳴以一太牢祠之名曰陳寶

夬 環堵倚俎 一本作環緒非

萃 稷爲堯使西見王母 山海經玉山是西王母所居

郭注舜時西王母遣使獻玉環大戴禮少問云舜以天

德嗣堯西王母來獻其白瑄帝王世紀舜時羣瑞畢臻  
西王母來獻白環及益地圖盧注漢明帝時於舜廟下  
得玉瑄一枚異苑零陵文學奚景於舜廟下得西王母  
所獻玉瑄是堯舜之時有西王母之國也陳第毛詩古  
音考引稷爲堯使西見王母與今本同

井 陽并恃狂拔劍自傷 崔云素問生氣通天論陰不  
勝其陽則脉流薄疾并乃在注并謂盛實也

良 深目窈身 一本作窈身

旅 管叔遇桓得其願歡膠目殺糾振冠無憂 案管叔  
謂管仲遇齊桓也呂氏春秋贊能桓公使人告魯曰管  
夷吾寡人之讎也乃使吏鞭其拳膠其目盛之以鳴夷  
置之車中至齊境桓公被以燧火釁以犧豶焉歸妹之  
困亦云管仲遇桓膠目殺糾一本目作日誤

節 鼓音不絕頃公奔敗 左氏成二年傳齊侯使請戰  
師陳於鞏卻克傷於矢流血及履未絕鼓音齊師敗績  
案齊侯齊頃公也

未濟 桃弓葦戟除殘去惡 禮檀弓以巫祝桃茱執戈  
左氏昭四年傳桃弧棘矢以除其災風俗通桃人垂葦  
交畫虎於門太平御覽禮儀部引禮稽命徵曰桃弧葦  
矢以除疾殃

家人之第三十七

乾 千歲槐根身多斧痕 太平御覽槐引身多斧痕節  
之萃亦作斧痕

頤 伊威盈室長股羸戶 毛詩伊威在室蠨蛸在戶傳  
伊威委黍也蠨蛸長跖也說文蠨蛸長股者

豐 漢臺為秦使我升坐 宋本作僕臺

兌 何材待時 一本作何村誤

未濟 金木爲仇酉賊檀穀 毛本作酋長擅役

睽之第三十八

无妄 金城朔方外國多羊 漢書地理志金城郡昭帝

始元六年置應劭曰初築城得金故曰金城臣瓚曰稱

金取其堅固也墨子曰金城湯池又朔方郡武帝元朔

二二年開

恒 孟己乙丑哀呼尼父 左氏哀十六年傳夏四月己

丑孔某卒公誅之曰哀哉尼父無自律杜注四月十八

日乙丑無己丑己丑五月十二日日月必有誤孟己者

謂孟夏四月建己之月也

益 賴生光水 宋本作賴先休光

井 井堙木刊 左氏襄二十五年傳當陳隧者井堙木

刊

蹇之第三十九

乾 叔旰居寃祁子自邑乘遽解患羊舌免脫賴得生全

左氏襄二十一年傳晉侯問叔向之罪於樂王鮒祁奚老矣聞之乘駟而見宣子與之乘以言諸公而免之叔旰卽叔向羊舌氏也

需 哀公怯弱風氏復北 左氏僖二十一年傳任宿顛  
史風姓也魯之季世季氏將伐顛與怯弱不振附庸之  
國將復敗北也

訟 培塿無柏 左氏襄二十四年傳部婁無松柏

泰 元豕自歸困涉大波 毛本作去家自歸

大畜 高氏飲食憂不爲患 左傳昭十年樂高氏皆嗜  
酒信內多怨言高氏酒食不能爲患於齊也

臨 雷君出裝隱隱西行 太平御覽雷下引作易林變

占

睽 此下闕蹇繇辭各本少此一行宋本亦無

兌 機設餌張司暴子良范叔不廉凶害及身 案子良

謂趙簡子御王良機設餌張謂田獵御車也范叔晉范

氏也左氏哀二年傳簡子誓曰范氏中行氏反易天明

斬艾百姓欲擅晉國而滅其君將戰郵無恤御簡子子

良授太子綏杜注郵無恤王良也子良即王良後又稱

郵良皆一人而異稱也哀四年五年傳趙鞅圍邯鄲又

伐衛皆以范氏之故范氏遂亡故曰凶害及身

節 西國疆梁為虎作狼 老子疆梁者不得其死莊子

山木篇以其疆梁隨其曲傳釋文疆梁多力也

小過 六目睽睽 宋本作六月非

解之第四十

蒙 談何容易 案談何容易見漢書東方朔傳

履 並后匹嫡 一本作正嫡字形之誤

豫 裹糗荷糧 一本作哀誤何本作裹不誤旅之恒云

裹糗荷糧

賁 經棗整冠 何本作整宋本作正一本作聖非

剝 陰雨前作 毛詩古音考引作陰慝

无妄 上下昏迷屬公孫齊 春秋莊公元年夫人孫於

齊公羊傳內諱奔謂之孫一本作厲公經齊非

大畜 采芣山頭 抑風言采其蠶毛傳註貝母也爾雅

釋草苜貝母釋文苜亡庚反詩作並同玉篇蚩俗蠶字

坎 像如喪狗 史記孔子世家儻儻然若喪家之狗儻

與儻同小過之歸妹云覆家出走何如喪狗

晉 去如奔虫害不能傷 方言箭之三鏃長尺六者謂之飛鏃潘岳閒居賦激矢虫飛案奔虫猶飛鏃也言駿馬之疾如飛鏃也

升 賊仁傷德 一本傷作湯誤

損之第四十一

履 百流歸德 一本作歸得古德得通用

觀 來歸温室 漢書孔光傳或問光温室省中樹光嘿

不應注晉灼曰長樂宮中有温室殿

嗟嗟 河伯娶婦東山氏女 史記西門豹爲鄴令三老

廷掾斂百姓錢爲河伯娶婦與祝巫共分豹即使大巫

共抱大巫姬投之河中凡投三弟子復投三老河中鄴

吏民大驚恐從是以後不敢復言又損之益井之乾云

雨師娶婦黃岩季子山海經海外東經雨師妾在其北



郭注雨師謂屏翳也

大過 求橘得枳 考工記橘踰淮而北為枳 一本作來

揭得枳

恒 良夫孔姬脅懼登臺樂季不扶衛輒奔逃 左氏哀

十五年傳衛孔圉取太子蒯瞶之姊生懼孔氏之豎渾

良夫長而美孔文子卒通於內良夫與太子入舍於孔

氏之外圃迫孔懼於廁強盟之遂劫以登臺樂甯聞亂

使告季子奉衛侯輒來奔 一本脅懼作負理誤漸之恒

云負懼登臺

益之第四十二

需 日昃之後 說文昃日仄也漢書游俠傳至日昃皆

會書無逸正義曰昃亦名昃言日蹉跌而下謂未時也

蒙之蹉云蹉蹉側跌申酉為祟

比 蚩尤敗走死於魯首 史記五帝本紀黃帝禽殺蚩尤注引皇覽曰蚩尤冢在東平郡壽張縣闕鄉城中肩髀冢在山陽郡鉅野縣

小畜 雖有鋒門不能危身 翟云鋒門卽逢蒙史記龜策傳荀子王伯皆作蓬門蓬漢書通用鋒晏案呂覽聽言篇作蓬門漢書王褒傳作逢門藝文志逢門射法二篇師古曰卽逢蒙

謙 利之四鄉 一本鄉作瀆不成字萃之比云德施流行利之四鄉

臨 帶季兒良時利權兵 文選過秦論吳起孫臏帶佗兒良李善注帶佗未詳佗亡何反元和姓纂六國時有帶他見姓苑帶季卽帶佗也漢書藝文志兵家兒良一篇師古曰六國時人也兒音五溪反唐韻正兵字注引

易林作帶季翟氏謂當作帶佗非也

升 光濟沖人 一本作夬濟誤

夬之第四十三

噬嗑 長城驪山生民大殘涉叔發難唐叔爲患 案長

城驪山謂秦人殘虐也震之姤云阿房驪山子嬰失國

史記秦本紀三十四年築長城始皇初卽位穿治酈山

及并天下天下徒送詣七十餘萬人酈山卽驪山也陳

涉世家陳勝字涉吳廣字叔勝自立爲將軍廣爲都尉

謂涉叔首先發難攻秦也牟云吳廣字叔唐叔當作廣

叔

剝 華沃錄舒 一本作華沃錄疏有誤字

咸 禍起蕭牆意如制國 案季孫意如也事見左傳

遯 樹表爲壇相與期言午中不會寵榮棄廢 史記穰

苴傳穰苴與莊賈約曰旦日日中會於軍門穰苴先馳  
至軍立表下漏待賈賈素驕貴日中不至穰苴則仆表  
決漏召軍正問曰軍法期而後至者當斬遂斬莊賈以  
徇於軍

升 倨傀如儀前後相違 玉篇人部倨巨勿切倨強傀

古回切周禮曰大傀裁注云傀猶怪也

井 驥疲鹽車出於銜筆 案驥服鹽車而上太行見戰

國策

### 姤之第四十四

屯 與虎相觸猶爲功曹班叔奔北 大畜之泰同同人

之泰云猶爲功曹伏不敢起坎之中孚云惡虎畏班胡  
氏易學啟蒙翼傳引郭璞洞林曰虎在山右馬過其左  
駁爲功曹猶爲主者垂耳而前不敢來下文選上林賦

縉白虎披班文七啟拉虎摧班注班虎文封禪文般般  
之獸注引春秋考異郵曰虎斑文者陰陽雜也風俗通  
云虎呼班輒怒班斑般古通用班叔謂虎也猶能食虎  
故班叔奔北

霽 卑斯以思爲君奴婢 案斯與所役之廝同革之觀  
云卑斯內侍未濟之坎云更爲斯吏易旅卦斯其所取  
災王彌注斯賤之役後漢書左雄傳職斯祿薄注斯賤  
也故云奴婢

同人 舉動失常 一本作舉運

噬嗑 公歸姬宅 一本作樞宅

大過 監諸攻玉無不宜鑿 一本作鑿諸非良之明夷  
云諸石攻玉無不穿鑿何本作斂諸淮南子玉待礪諸  
而成器高誘注礪諸者攻玉之石說林訓璧瑗成器處

諸之功一切經音義引通俗文細礪謂之礎礪礪諸治  
玉礎礪治金廣雅礪諸礪也

晉 販鼠賣卜利少无謀 漢書藝文志著龜家鼠序卜

黃二十五卷五行志燕有黃鼠銜其尾舞一日一夜死  
近黃祥也抱朴子內篇鼠壽三百歲則色白善憑人而  
卜名曰仲仲能知一年之內吉凶及千里外事也後漢  
書郎顛傳常賣卜自奉毛何本俱作賣龜以販鼠賣龜  
爲二事言得利之少於義亦通

明夷 西戎爲疾幽君去室 案幽當作幽謂大王去幽

也升之艮云西戎獯鬻病於吾國 毓崧案幽君似卽幽  
王西戎似卽大戎若  
指爲太王恐與下文  
陳于項伯之事不類

萃 越蹠空乖 一本作庶乖 不能遠之中道疲休

毛本之中誤倒

革 蘇秦發言韓魏無患張子馳說燕齊以安 案張子  
謂張儀也事見戰國策

震 三桃三口莫適所與 案三桃當爲二字之誤唐韻

正口字注引易林二桃三口顧氏所見本猶未誤也晏  
子春秋云公孫接田開疆古冶子事景公以勇力聞晏  
子曰此危國之器也不若去之因請公使人少餽之二  
桃曰三子何不計功而食桃公孫接曰不受桃是無勇  
也援桃而起田開疆亦援桃而起古冶子曰若冶之功  
亦可以食桃而無與人同矣抽劍而起公孫接田開疆  
曰吾勇不子若功不子逮取桃不讓是貪也然而不死  
無勇也皆反其桃挈領而死古冶子曰二子死之冶獨  
生之不仁亦反其桃而死諸葛亮梁甫吟云一朝聽讒  
言二桃殺三士誰能爲此謀國相齊晏子李白詩云力

排南山三壯士齊相殺之費二桃

萃之第四十五

乾 碩鼠四足飛不上屋 爾雅鼯鼠孫炎注五技鼠也  
說文鼯五技鼠也能飛不能過屋能緣不能窮木能游  
不能渡谷能穴不能掩身能走不能先人易晉如鼯鼠  
九家易云鼯鼠喻貪飛不上屋子夏傳作碩鼠碩鼯通  
用

泰 漏卮盛酒利無所有 淮南子江河不能塞漏卮鹽

鐵論漏卮不能滿曹植書食若填巨壑飲若灌漏卮

大蓄 北與山連 一本北作比誤

大過 搔虱生愁 一本作虱作虱誤太平御覽蚤引蚤

虱生愁 膳夫仲尹使我無聊 案詩小雅仲允膳夫

一本作仲年御覽蟲豸部引膳夫仲年使我無憂與愁



合韻 昌案古音聊愁同  
部不必改作夏

大壯 買椒失粟 唐韻正母字注引買椒失粟宋本椒

作菽

家人 細小貧窶 一本窶作屢非

益 長城既立四夷賓服交和結好昭君是福 顧亭林

謂此指王嬙昭君然易林昭君或取昭明之義不必定

指漢宮人也鼎之噬嗑云乾侯野井昭君喪居此昭君

謂魯昭公又是一義

井 鳩杖扶老 風俗通云高祖與項羽戰羽追求之時

鳩止鳴其上以為必無人遂得脫及即位作鳩杖以扶

老續漢書禮儀志年七十者授之以玉杖以鳩鳥為飾

鳩者不噎之鳥也

漸 喬木無息漢女難得楸柏請佩反手離女 案劉向

列仙傳江妃二女鄭交甫曰我欲下請其佩又曰橘是  
柚也我盛之以笥令附漢水將流而下我遵其旁採其  
芝而茹之遂手解佩與交甫交甫悅受而懷之趨去數  
十步空懷無佩顧二女忽然不見宋本作橘柚毛何本  
並作禱神

巽 眾口銷金愆言不驗 國語周語曰眾心成城眾口  
鑠金

節 針頭刺手百病瘳愈抑按捫灸死人復起 史記扁  
鵲傳號太子死扁鵲曰臣能生之所謂尸蹙太子未死  
也扁鵲乃使弟子子陽厲鍼砥石有間太子蘇乃使子  
豹爲五分之熨太子起坐故天下盡以扁鵲爲能生死  
人鵲曰越人非能生死人也此自當生者越人能使之  
起耳針與鍼同灸讀如久謂以艾灸之或作灸譌

升之第四十六

屯 龍子善行西得大壽 莊子天運篇孔子見老聃曰

吾乃今於是乎見龍史記老子傳孔子謂弟子曰吾今日見老子其猶龍邪龍子謂老子也史記云老子百有六十餘歲或言二百餘歲故曰大壽

需 商子無良相怨一方 案謂商鞅也豐之遯云商子酷刑鞅喪厥身

蹇 牽瑜上樓 宋本作牽瑜

夬 彭離濟東遷之上庸 漢書武帝紀元鼎元年濟東王彭離有罪廢徙上庸應劭曰春秋時庸國

升 刻畫爲飾嫫母無鹽 劉向列女傳鍾離春者齊無鹽邑女其爲人極醜無雙行年四十三宣王納之爲后

豐 獲福大椿 莊子逍遙遊云上古有大椿焉八千歲

爲春八千歲爲秋

節 靈臺觀賞膠鼓作人 案膠鼓謂東膠之學辟雍之

鼓也一本人作仁

困之第四十七

坤 六鴉退飛爲襄敗祥陳師合戰左股夷傷 左氏僖

十六年傳六鷁退飛過宋都杜注鷁水鳥高飛遇風而

退釋文鷁五歷反本或作鷁音同史記宋世家作六鷁

說文鳥部引春秋傳六鷁退飛僖二十二年傳宋公及

楚人戰于泓宋師敗績公傷股魯僖九年宋襄公立至

僖二十三年襄公卒

恒 士穀彘季反謀桓子不從元帥遂行挑戰爲荆所敗

左宣十二年傳晉師救鄭荀林父將中軍先穀佐之

杜注彘季伐林父釋 及河閭鄭既及楚平桓子欲還注杜

文穀本又作穀同

桓子魚子曰不可杜注彘子謂桓子曰彘子以偏林父殺韓獻子師陷子罪大矣子為元帥師不用命誰之罪也案邲之戰楚敗晉軍故曰為荆所敗

大壯 子輿失勞黃鳥哀作 案子輿即子車秦之三良也一本作子與革之小畜云子車鍼虎善人危殆黃鳥悲鳴傷國無輔

姤 曠睨仁人 玉篇日部蕃於見切日出也睨牛禮切日跌也史記封禪書中山曠温曠與蕃同案曠睨當為曠睨之譌毛詩睨皖好貌曠皖亦言仁人之美好也

革 申酉稷時陰慙萌作 穀梁定十五年傳日下稷注稷昊也下稷為晡時隸釋邨閣碑劬勞日稷費鳳碑乾乾日稷毛本稷作敗宋本時作射

旅 絞黑大索困於清室 案清室當為請室之誤漢書

賈誼傳造請室而請罪耳

小過 鳳有十子同巢其母 初學記鳳引同巢其母白

孔六帖鳳引亦作共母中孚之觀云鳳生十子同巢共  
乳

既濟 志疵心離三旅心哀 案比之渙云一旅三關衆  
之鼎云三人爲旅說文於部旅軍之五百人爲旅从从  
从从二俱也詩旅力方剛毛傳旅眾也人三爲眾故云  
三旅翟注改作三閭牽合屈子事非也

井之第四十八

隨 蜺見不祥禍起我鄉 漢書五行志京房易傳有蜺  
蒙霧蜺曰旁氣也其占曰蜺再重赤而專至衝旱雲蜺  
四背又白蜺雙出日中蜺四方日光不揚解而温蜺如  
禽在日旁故蜺見爲不祥之占黃刻宋本改蜺作蜺非

次 炙魚銅斗張伺夜鼠 史記刺客傳專諸進魚炙又  
趙世家使厨人操銅斗以食代王及從者後漢書鄧禹  
專上過禹營禹進炙魚牟云說文桐斗可以射鼠

逝 踰躡南北誤入喪國杜季利兵傷我心腹 太平御

覽蜘蛛引易林蜘蛛南北巡行罔罔翟云傷我心腹墨  
子明鬼杜伯射宣王中心而死晏案御覽蟲豸部引作  
傷我心旅說文吕脊骨也篆文吕从脊旅即脊之省文  
大壯 公孫之政惠而不煩喬子相國終身無恙

案喬子謂鄭子產公孫僑也喬僑通用

啖 循理舉手舉求相子六體相摩終無殃咎 翟云此  
言相人也舉謂唐舉荀子非相篇梁有唐舉晏案六體  
相摩此即後世相人揣骨之法

解 不亟徒卿 一本徒作徒誤

損

鄭會有聲

一本作鄭澹

棘松案會與檜部通用鄭國本鄧國詩譜以檜風合

為一譜檜風甚楚序說以為刺淫恣之詩易林云鄭會  
有聲言鄭鄭之樂皆淫聲其下文云國亂失傾宏明早  
見止樂不能  
是其明證

良

兩山崩使苻君頰好

何本作崩使毛本崩作萌誤

毛本苻君何木苻作萃誤後漢書南蠻西南夷列傳苻

都夷者武帝所開以為苻都縣略自汶山以西白狼槃

唐敢等百餘國路經邛來大山零高坂峭危峻險注引

華陽國志云邛來山一名邛苻故邛人苻人界也漢書

西南夷傳徙苻都最大自苻以東北君長以十數漢地

理志越巂郡定苻師古曰苻音才各反晉書地理志作

定苻縣苻與苻同說文妖籀文作𠄎𠄎與頰同宋本作

南山蘭蔭使君媚好臆改不可從昌案兩山崩使當用

事苻君即  
蜀君也



漸 黃虹之野賢君所在榮段爲相國無災殃 太平御

覽休徵部引孝經援神契曰黃氣抱日輔臣納忠又引

禮斗威儀曰君乘木而王其政昇平則黃中而青暈乘

火而王則黃中而赤暈乘金而王則黃中而白暈乘水

而王則黃中而元暈新序雜事魏文侯過段干木之閭

而軾遂致祿百萬而時往問之秦興兵欲攻魏司馬唐

且諫曰段干木賢者也而魏禮之天下莫不聞無乃不

可加兵乎乃案兵而輟不攻魏謂榮寵段干木而爲相

則國無加兵之殃矣一說榮段當作榮散論語武王曰

予有亂臣十人馬融注有榮公散宜生毛何黃本並作

榮段段散字形之誤中孚之乾云黃虹之野賢君所臣

管仲爲相國無災咎與此文不同翟本并改此文爲管

仲非也

節 骨爲灰土一本爲作於誤

中孚 傾迭不行弱走善僮孟繫無良失其寵光 左氏

昭七年傳衛襄公夫人無子嬖人媯始生孟繫孟繫之  
足不良弱行杜注跛也釋文繫張立反傾迭與傾迭同

革之第四十九

比 門觀王庭 宋本作闕觀

筮嗑 倒基敗宮 一本作敗筮非

夬 夙伯所獻襄續厥緒佐文成霸爲晉元輔 案夙伯

趙夙也左傳夙事晉獻公滅耿霍叔爲大夫襄當作衰

字形之誤衰從公子重耳後佐上軍是佐晉文成霸業

也節之泰云伯夙奏獻衰續厥緒毛本作衰不誤

井 水爲火壯患厥不起 翟云壯當作牡左傳昭十七

年水火之牡也注牡雄也

異 兔聚東郭眾犬俱獵 戰國策東郭魏海內之狡兔也

渙 宋公德薄敗於水泓 案宋襄公敗于泓見左氏傳  
二十二年傳

鼎之第五十

否 德施溥育 宋本作博育

隨 吉日車攻 一本作吉月誤

臨 火入井口陽芒生角犯歷天門窺見太微登上玉牀

家易其公 漢書李尋傳月太白入東井犯積水缺天

淵日數湛於極陽之色焚惑往來无常歷兩宮作態低

叩入天門上明堂臣有不臣者火入室金上堂應劭曰

兩宮謂紫微太微孟康曰角兩星大有之復云火之井

谷揚芒生角犯歷天門窺見太極登上玉牀家易六公

字句有誤當从此文

賁 腫脛病腹陷廁汚辱 左氏成十年傳晉侯欲食麥

張如廁陷而卒杜注張腹滿也釋文張中亮反

震 老猾大偷東行盜珠 山海經堯光之山有獸焉狀

如人而彘鬣穴居而冬蟄名曰猾餘我之山有獸焉其

狀如菟鳥喙鴟目蛇尾見人則眠名曰犰狴廣韻犰狴

獸似魚蛇尾豕目見人則佯死狢與猢同史記高祖紀

爲人僂悍猾賊方言小兒多詐而增或謂之猾渙之同

人云猾偷竊發盜我黃寶

歸妹 侯叔興起季子富有照臨楚國蠻荆是安 案侯

叔謂楚申叔時季子謂太子審也國語王使士麇傳太

子審問於申叔時時曰教之春秋而爲之聳善而抑惡

焉以戒勸其心其可興乎宋本侯叔作侯叔

震之第五十一

蒙 衆鳥所翔中有大怪九身無頭魂驚魄去 文選郭

璞江賦奇鶴九首爾雅釋鳥鶴麋鵠郭注今呼鶴鵠太  
平御覽羽族部引三國典略云齊園有九頭鳥見赤色  
似鴨九頭皆鳴又引續表錄異云鬼車入人家鑠人魂  
氣或云九首曾爲犬齧下一首常滴血血滴之家卽有  
凶咎酉陽雜俎云鬼車鳥相傳此鳥昔有十首能收人  
魂一首爲犬所噬秦中天陰有聲如力車鳴白澤圖謂  
之蒼鷄帝嚳書謂之逆鶴裴瑜注爾雅云是九頭鳥也  
釋史引衝波傳有鳥九尾人以問孔子曰鶴也河上之  
歌曰鶴兮鶴兮逆毛衰兮一身九尾長兮廣韻引韓詩  
同鳥有九頭如楚辭維虺九首之類故爲大怪  
小畜 羊舌叔虎野心善怒黷貨無厭以滅其身 左氏

襄二十二年傳宣子殺羊舌虎杜注樂盈之黨羊舌虎  
叔向弟昭十三年傳晉有羊舌鮒者瀆貨無厭亦將及  
矣杜注鮒叔向弟也

賁 掠我妻子 一本掠作探誤

中孚 神鳥五彩鳳凰爲主集於山谷使年歲育 太平  
御覽鳳引神鳥五色鳳皇爲主集於王谷使君得所白  
孔六帖鳳引亦作王谷

未濟 雲雨不行爲止其卿 藝文類聚雷引雲雨不下  
各自止卿

艮之第五十二

師 東嶺多栗 一本栗作粟非

噬嗑 入閨爲儀 案人閨闔而有儀如詩傳所云情欲  
無介乎儀容也一本作閨誤

頤 人面鬼口 陳第毛詩古音考後下引人面九口臨  
之坎作人面九口鬼九古通用如鬼侯卽九侯也

姤 操笱搏狸荷弓射魚 一本荷射射魚非

升 贖詐龐子夷龜書木 謂孫臏龐涓也事見戰國策

史記

漸之第五十二

比 文山鴻豹 白孔六帖云獨豹搗也陸佃埤雅引鄭  
璞曰搗似雁無後指毛有豹文一名獨豹易林文山鴻  
豹蓋言此也羅願爾雅翼搗今之獨豹也以搗爲豹聲  
之誤也

謙 蟠梅折枝與母別離絕不相知 毛本作搖梅折枝

爾雅釋木梅枌郭注似杏實酢又時英梅郭注雀梅說  
苑奉使篇越使諸發執一枝梅遺梁王梁王之臣曰韓

子曰惡有以一枝梅以送列國之君者乎梁王見諸發  
令逐韓子謂梁臣見逐故云別離也

豫 疾癯膈肥 左氏桓六年傳博頌肥膈謂其不疾疾  
蠡也釋文疾七本反蠡力果反說文作瘰云瘰瘰皮肥  
也

隨 聞虎入邑心欲逃匿走據陽德不見霍叔絕無憂慝  
史記鄭世家楚莊王伐宋宋告急于晉晉景公欲發  
兵救宋乃求壯士得霍人解揚字子虎誑楚令宋毋降  
鄭執解揚而獻楚解揚負楚約楚莊王將殺之解揚將  
死顧謂楚軍曰爲人臣毋忘盡忠得死者楚王諸弟皆  
諫王赦之使歸晉爵爲上卿案聞虎入邑謂得子虎子  
霍邑走據陽德古陽楊通用謂解揚爲楚所報終以赦  
歸故云不見霍叔絕無憂慝也



逖 子長忠直李氏爲賊禍及無嗣司馬失福 案子長  
司馬遷之字因李陵而受腐刑故禍及無嗣見漢書司  
馬遷傳唐韻正福字注引作李氏爲賊一本作季氏誤  
大壯 節慶之德不涉亂國雖味无光後受大慶 案此  
謂吳季子也史記吳泰伯世家王餘味欲授弟季札讓  
逃去乃立王餘昧之子僚爲王公子光殺王僚立爲王  
是爲吳王闔廬言季子之節潔身避亂雖有味之授札  
若无光之弑僚則後人猶得蒙慶也

家人 員困竭忠伍氏夷誅 案員謂伍員也一本員作  
負誤

歸妹之第五十四

坤 喘牛傷暑弗能耕畝 漢書丙吉傳吉逢人逐牛牛  
喘吐舌吉曰方春少陽用事恐牛近行用暑此時氣失

節也剝之无妄云跨牛傷寒弗能成畝

否 煎砂感暑鮮有不朽去河三里敗我利市老牛盲馬

去之何悔 案煎砂煮鹽當盛暑之時若去河稍遠則

不為利市矣一本作老手育馬非

益 三灑負衡 宋本灑作驢復之艮亦云三灑負衡毛

本不誤

旅 西賈巴蜀 一本作邑蜀非

渙 生我喜福 太平御覽時序部引作嘉福

豐之第五十五

坤 釣魴與鯉王孫列俎 初學記漁引釣挂魴鯉王孫

利得

大有 宣房戶室括薪除毒 漢書溝洫志孝武元光中

河決於瓠子令羣臣從官自將軍以下皆負薪塞決河

卒塞瓠子築宮其上名曰宣防史記河渠書作宣房戶室即指宣防之宮不必如牟說改戶室為瓠子也

復 蒙祐諧偶 毛本偶作偈誤既濟之渙作蒙祐諧偶

不誤

咸 青蠅集聚變白為黑 一本蠅作繩誤

晉 鬮鬮啗啗 一木作謫謫誤

旅之第五十六

乾 寄生無根如過浮雲 毛詩正義薦寄生也女蘿菟

絲松蘿也漢書東方朔傳郭舍人覆樹上寄生令別之

蒙 封豕溝瀆淮瀆國邑火宿口中民多病疾 史記天

官書奎曰封豕為溝瀆正義曰奎一曰天豕亦曰封豕

主溝瀆西南大星所謂天豕天官書又曰箕為敖客為

口舌火犯守角則有訟索隱曰詩緯云箕為天口正義

曰箕移徙入河國人相食金火入守天下亂韋昭曰火  
笑惑

同人 牀傾簣折 易制牀以辨釋文引黃穎曰辨牀簣  
也爾雅釋器簣謂之第郭注牀板說文簣牀棧也

夫 十雉百雉 太平御覽鷄引作十雞百雞 抱雞博  
虎 御覽引作捕虎

震 慶仲奔莒子般獲福 左氏莊三十二年傳其仲使  
圉人犖賊子般於黨氏晏案與此數解不合子般當是

子穀之誤其仲子公孫敖敖生子穀左氏文十四年傳  
穆伯即公孫敖之從己氏也魯人立文伯杜注穆伯之子穀也穆伯生

二子於莒而求復文伯以爲請穆伯請重賂以求復惠  
叔以爲請許之又文元年傳周叔服曰穀也豐下必有

後於魯國故曰子穀獲福

漢 甲子成亂簡公喪亡 案甲子當作甲午左氏哀十

四年傳甲午齊陳恒弑其君壬于舒州卽簡公也

巽之第五十七

益 兄征東燕弟伐遼西大克勝還封君河間 漢書荆

燕王傳燕王劉澤高祖從祖昆弟也地理志遼西郡秦

置屬幽州河間國故趙文帝二年別爲國又元封元年

自泰山東巡海上至碣石自遼西歷北邊九原景十三

王傳河間獻王德以孝景前二年立

革 家無聊賴 漢書陳餘傳使天下父子不相聊師古

曰言無聊賴季布傳晉灼注此爲其計畫無所聊賴比

之解云無聊虛作妬之中孚云公孫無賴渙之比云身

無聊賴

鼎 矢石所射襄公痲劇吳子巢門傷病不治 左氏襄

二十五年吳子諸樊伐楚門于巢巢牛臣隱於短牆以射之卒公羊莊二十一年傳大災者何大瘠也大瘠者何痾也注民病疫也或作癘通作厲襄公痾劇謂當魯襄公之時也兌之蠱曰吳子巢門死命失所公謂宋襄公痾劇者言其傷股而薨也兌之蠱小過之睽並云宋公危殆吳子巢門亦以宋公吳子並言是其明證兌之第五十八

比 嵩融持戟 翟云周語融降於崇山崇古嵩字 杜

伯荷弩 史記封禪書注杜伯執弓矢射宣王國語周

語杜伯射王於鄆韋注引周春秋曰宣王殺杜伯而無辜後二年宣王會諸侯田於圃日中杜伯起于道左衣朱衣操朱弓朱矢射宣王中心折脊而死

隨 如蜎見鵠偃視怒腸不敢拒格 史記龜策傳蜎辱於鵠集解引郭璞云蜎能制虎見鵠仰地淮南萬畢術

曰鵲令蝟反腹者蝟憎其意而心惡之也

噬噓 南循汝水伐樹斬枝過時不遇怒如周飢 案詩

汝墳伐其條肄毛傳斬而復生日肄故云伐樹斬枝又

詩怒如調飢毛傳調朝也釋文作朝周卽朝之省文

歸妹 養虎畜狼還自賊傷 史記項羽傳所謂養虎自

貽患也

渙之第五十九

剝 爲虎所噬太山之陽 事見禮記檀弓

節之第六十

否 張陳嘉謀贊成漢都 翟云謂張良陳平也

蠱 平王逐建荆子憂懼 左氏昭十九年傳楚子之在

蔡也即陽封人之女奔之生太子建二十年傳費無極

言於楚子曰建與伍奢將以方城之外叛王使城父司

馬奮揚殺太子未至太子建奔宋皆楚平王時事

臨 鬼瞰其室 楊雄解嘲高明之家鬼瞰其室

解 皇母多恩字養孝孫脫於襁褓成就爲君 牟云鄭

曉謂此言定陶傅太后也翟云事見漢書外戚傳

損 北陸苦寒 左傳曰在北陸而藏冰未濟之蒙云北

陸藏冰

中孚之第六十一

困 舞陽漸離擊筑善歌慕丹之義爲燕荆軻陰謀不遂

霍日死亡功名何施 事見史記荆軻傳高漸離變名

姓爲人傭保秦始皇召見重赦之乃矐其目使擊筑索

隱曰以馬屎燻令失明

小過之第六十二

師 匠卿操斧豫章危殆 禮斗威儀君政訟平豫章常



生漢書司馬相如傳梗枏豫章師古注豫卽枕木章卽

樟木二木生至七年乃可分別說苑土積成山則豫樟

生焉蘇林案左氏襄四年傳云匠慶用蒲

兌 匏巴鼓瑟不悅於心 荀子勸學篇匏巴鼓瑟游魚

出聽楊倞注引列子匏巴鼓瑟烏舞魚躍

既濟之第六十三

既濟 元兔指掌 一本作損掌

鼎 祭仲子突要門逐忽禍起子傷弟伐其兄鄭久不昌

案事見左傳魯桓公時子傷 一本作子商蘇林案左

年傳云祭仲與宋人盟以厲公歸而立之哀九年傳云

晉 沈湏失節 一本作沈酒誤何本作湏宋本作浮沈

誤

節 上下咸悖景公失位長歸无恒望妻不來 一本悖

作恆誤无恒一作元涸字形之譌景公謂齊景公也越絕書闔廬伐齊大克取齊王女爲質說苑齊景公以其子妻闔廬送諸郊泣曰余死不汝見矣言齊妻吳而長歸望之不復來也

未濟之第六十四

蠶 青蠅嘍聚觸我羅域 太平御覽蜘蛛引青蠅嘍嚙以求膏腴藝文類聚蜘蛛引觸我羅城

離 應聘唐國四門穆穆 案唐謂唐堯也

大壯 魁罡指南告我失中 案卽魁剛也家人之漸曰魁剛所當初爲敗殃蜀志諸葛亮傳亮算太乙數今年罡星在西方唐書李泌傳孟冬魁岡不可營繕岡剛正字罡剗皆俗字

姤 淵蔽牡荆生翳山旁 泰之損曰捌蔽牡荆本草牡

荆一名黃荆小荆廣州記金甯浦有牡荆指病自愈太  
平御覽引淮南萬畢術曰南山牡荆指病自愈節不相  
當有月暈時刻之

易林釋文後序

易林釋文何爲而作也因黃氏校刻宋本多所竄改而作也先是易林有汲古閣毛子晉本自黃蕘圖刻本行世繕寫清整鏤刻精工坊肆盛行又雕鏤小字本俗儒耳學不能細心讀書甚重黃本而舊本寢湮矣黃序云諸刻易林悉出自明內閣本而黃氏所刻據陸敕先傳臨之宋本蕘圖得之顧千里千里得之程念鞠展轉傳鈔文與毛本大異夫使鏤板出於宋時猶爲可信今以影鈔臨寫之本輕改古書字句差互其可據乎且毛子晉之刻本卽宋黃伯思所校定序稱字誤以快爲快以羊爲手以喜爲嘉以鶴爲鵲義可兩存今以毛校黃刻不應殊異如此之多凡子晉采書悉因其舊間有舛譌不敢臆改得失顯著循覽易明此汲古閣之本所由貴重於書林也近世士大夫崇尚

宋本好奇騁異是古非今而所謂宋本者或出於書賈射利卿壁虛造之徒至謂影摹宋鈔尤不可信以抱經盧氏之積學猶或誤从况其下者乎蘇氏志林云近世人輕以意改古書鄙淺之人從而和之遂使古書日就訛舛深可忿疾旨哉斯言可謂信而好古矣晏爲釋文信古傳舊守多聞闕疑之悒懼不知而作之讓自以炳燭之明必有不逮然紬繹舊文實事求是庶幾西京故書不至滅沒於後人之手僭易妄更貽誤來學則釋文之所爲作也山陽于晏後敘

書翟氏牟氏易林校畧後

甲寅秋余撰易林釋文既畢越兩月得東萊翟氏云升樓  
霞牟氏庭校畧本注義簡質校正詳慎頗具苦心視黃本  
爲善矣然如箕仁入室改作飢人入室反得大栗改作反  
得丹穴餌吉知來改作乾鵲知來哀相無極改作衷相無  
極並承黃本之譌其肫改之失亦如黃氏如乾之坎云黃  
鳥來集黃本作采某校畧改某爲蓄非也需之恒云蝸螺  
生子卽蝸贏之異文校畧改蝸爲蟻非也又如屯之觀云  
爲王妃后莊公築館與左傳莊公築王姬館合不必改莊  
爲桓也屯之大畜云逢禹巡狩錫我元圭與虞書禹錫元  
圭合不必改禹爲舜也蒙之比云豕生魚魴與京房易傳  
豕生魚合不必改豕爲家也大畜之臨云六家作權公卿  
剖分六卿分晉之室故下文云唐叔失明不必改六爲三

也萃之噬嗑云文定厥祥康叔受福康叔爲文之昭故上文云文定厥祥不必改康爲唐也井之隨云蜺見不祥蜺占不祥不必改爲緹女之蜺也井之漸云黃虹之野黃虹爲瑞不必改爲朝虹之草也改大過之茅筋爲茅蕝改困之三旅爲三閭凡此校畧所改皆武斷之甚者也其尤異者校畧大題爲焦氏易林牟序直稱爲崔氏易林據後漢書崔駰傳祖篆王莽時箸周易林六十四篇牟氏謂易林乃莽時建新大尹崔延壽撰新信聲同大尹誤爲天水崔形誤爲焦崔篆蓋字延壽以二千年之舊名一旦而改移崔氏其說甚怪竊未敢以爲然也牟據漢費直舊序云六十四卦變占者王莽時建信天水焦延壽所撰晏案西漢諸儒未有代人作序者孔安國尙書序自序其書亦係僞托此費直之序必依托也漢書稱費易亡章句徒以彖象

繫辭十篇文言解說上下經藝文志無費氏篇目費易本無章解烏有爲人敘述者乎延壽爲梁人漢書稱爲小黃令小黃屬梁國地於建信天水何與焉宋本原有此序程迥晁公武皆引之鄭端簡公謂延壽與孟喜高相同時非王莽時費直亦非莽時人宋人固疑費序之僞矣牟氏亦云序假名費直妄人加東萊費直長翁曰七字旣明知舊序之僞猶據以爲莽時且謂崔象蓋字延壽蓋者疑辭徧檢書傳篆無延壽之字旣說紛騰疑誤後學夫何取焉牟又引東觀漢記永平五年占周易卦林蟻封穴戶大雨將集詔問沛獻王輔爲易林震之蹇文晏案王厚齋漢志攷亦引東觀記此文薛季宣序引同並稱以京氏易林占之後漢沛獻王輔傳善說京氏易京爲延壽弟子是爲焦氏之學確有明徵其非崔氏亦明矣牟又引後漢儒林傳孔



僖拜臨晉令崔駟以家林筮之晏案李賢此注崔篆所作  
易林也郎顛傳九日三公李賢注引焦延壽分卦直日之  
法張衡傳李賢注又引焦氏易林明焦氏與崔氏各自爲  
書章懷之注甚晰隋書經籍志云易林十六卷易林變占  
十六卷並云焦贛撰梁又三十卷唐書藝文志焦氏周易  
林十六卷注云焦贛崔氏周易林十六卷注云崔篆焦崔  
志別爲二未嘗溷爲一也唐會昌中王俞序云延壽所著  
大易通變其卦總四千九十六題徐堅初學記歐陽詢藝  
文類聚皆唐初人俱引焦氏易林未嘗以爲崔氏後人何  
由而肫斷之乎翟氏又引宋李石續博物志後漢崔篆著  
易林或曰卦林或曰象林自唐以來言易林者皆稱焦氏  
惟石得其實晏案李石所引卽范書之文以廣異聞未嘗  
指此易林卽爲崔氏翟云得實是爲厚誣古人原書具在

可覆審也翟又引同人之豫鼎之節云安民呼池謂安民  
縣始於王莽時在焦氏後皆是崔非焦之證晏案毛本同  
人之豫曰按民湖池黃本作按民呼池翟本又改安民凡  
改遷就不可从也夫曲學阿世古人所譏實事求是先儒  
所貴晏既錄其說之精覈者標其姓氏著於篇後復書其  
竄改之失將以匡救其非就正有道知我罪我以俟後之  
君子而已甲寅中冬月幾望丁晏書後

跋

山陽丁儉卿先生著易林釋文二卷自序云紬繹舊文疏

其隱滯實事求是擇善而從統觀全書無不與序言符合

而其精心卓識尤在於謂易林學出西京非東漢諸儒所

能依託毓崧承命校字爰據先生所言者從而引申推廣

以就正焉按後漢明帝永平五年以易林占雨東觀漢記云永平五

年秋京師少雨以周易卦林占之其繇曰蟻封穴戶大雨將集今易林震之蹇有此二語明帝諱莊而

易林不避莊字坤之觀泰之豫否之既濟並云莊公築館豫之家人云莊姜無子則非作

於明帝時可知崔篆之易林作於光武帝建武初年後漢書崔

駟傳敘其祖篆云建武初朝廷多薦言之者幽州刺史又

舉篆賢良篆自以宗門受莽偽寵慙愧漢朝遂辭歸不仕

客居榮陽閉門潛思光武帝諱秀而易林不避秀字需之

之比並云垂秀方造光武帝諱秀而易林不避秀字艮晉

知更始諱元而易林不避元字屯之大畜云逢禹則非作

易林釋文 劉跋 一

於更始時可知王莽自言出自田齊實為陳恒之後裔

漢書王莽傳云田和有齊國至王建為秦所滅項羽起封建孫

安為濟北王至漢興安失國齊人謂之王家因為氏今

按以史記齊世家考之當是時孰敢指斥恒之罪惡而易

田和乃陳恒之曾孫觀之遜云雍門內崩賊賢傷仁暴亂狂悖

林則言其弑君簡公失位今按此即斥言恒之弑簡公也

夫篆之屈節莽朝實以憚其威虐豈肯觸犯猜忌自蹈誅

夷後漢書崔駰傳云篆兄發以巧佞幸於莽位至大司空

乃歎曰吾生無妄之世值澆弊之君上有老母下況莽未

有兄弟安得獨潔己而危所生哉乃遂單車到官

纂立之時已改禁中為省中以避其祖諱獨斷云禁中者

皇后父大司馬陽平侯名禁當時避之故曰省中今按而

以漢書元后傳及王莽傳考之莽父名曼禁之次子也而

易林不避禁字

坤之否云謹慎

則非作於莽時可知孺子

諱嬰而易林不避嬰字

屯之未濟云愛我嬰女

且以子嬰

二字連言

謙之蒙云子嬰兩頭中

則非作於孺子時可知

平帝舊諱箕子

漢書平帝紀云元始二年詔曰皇帝二名

通於器物今更名合於古制孟康曰平帝

本名箕子更名曰衍箕用器也故云通於器物而易林不避箕字大畜繇詞云且箕伯所保

以箕子二字連言秦之剽云箕子為奴大則非作於平帝壯之小過云箕子伴狂

時可知顧亭林謂易林用漢書李尋傳語日知錄云易林日火入井口楊

芒生角犯歷天門窺見太微登上玉牀然考李尋傳其在似用李尋傳語今按此鼎之臨繇詞

成帝時係言月太白入井而不言火入井口與易林所言

固異其在哀帝時但言月入太微熒惑入天門而不言火

入井口登上玉牀與易林所言亦殊况哀帝諱欣而易林

不避欣字屯之蹇云不見欣歡否之履復之損並云欣然嘉喜則非作於哀帝時可

知亭林又謂易林用成帝起昌陵事日知錄云易林日新作初陵踰陷難登似

用成帝起昌陵事今按此明夷之咸繇詞然考成帝紀云昌陵客土疏惡終不

可成劉向傳云始營初陵其制約小天下莫不稱賢明是

昌陵曾陷而初陵未嘗陷易林所言初陵必非成帝之初

陵更非成帝之昌陵况成帝諱驚其嫌名為樊漢書藝文志云孫卿

易林釋文

劉跋

二

宣帝諱詢既兼避荀字成帝諱鶯亦當兼避葵字此漢人兼避嫌名而易林不避葵字鼎之震云困於噬葵則非作於成帝時之例也

可知亭林又謂易林有元帝昭君事日知錄云長城既立四夷賓服交和結好

昭君是福事在元帝竟甯元年今按此萃之益繇詞先生辨之曰昭君或取昭明之

義如毛詩平王之類不必定指漢宮人也萃之臨曰昭君

守國諸夏蒙德此昭君又何以解焉鼎之噬嗑云乾侯野

井昭君喪居此昭君謂魯昭公又是一義其剖析最爲明

顯毓崧竊謂易林屢言昭君亦屢言文君所謂文君者或

專言周之文王謙之困云文君降陟豐之益云文君出獵

或泛言文德之君姜氏受福復之姤云命紹衰周文君乏祀

歸妹之咸云文君之德養仁致福說易

林者未聞以文君爲卓女何獨以昭君爲明妃乎况元帝

諱奭而易林不避奭字大畜之小畜益之謙並云欣喜奭擇頤之漸云姬奭姜望艮之咸云

輔王則非作於元帝時可知宣帝諱詢其嫌名爲荀而易

林不避詢字

大奇之家人云更相咨詢明夷之臨亦不避

荀字

熹之歸妹云荀伯

則非作於宣帝時可知昌邑王諱

賀而易林不避賀字

小畜繇詞云元賀舉手則非作於昌

邑王時可知今反覆研究知其作於昭帝之時其證有四

昭帝名弗荀悅云諱弗之字曰不

漢書武帝紀云立皇子

昭帝也後但名弗

易林六十四卦四千九十六變其中用

不字者層見疊出矣

帝千餘而無弗字則作於昭帝即

位以後無疑其證一也

高祖諱邦憲帝諱徹易林乾之

書我邦國蒙之坤云常盈不亡比之坎云恆山浦壽濤之

西漢時法制尚為疏闊惟時主之名避諱甚嚴若先代之

名有因已就諱不諱有因臨文不諱可以隨時變通故或諱

或不諱非若後世拘於一定之例此易林太史公卒於昭

帝初年王氏鳴盛十七史商推云遷實卒於昭帝初景

傳末亦屢稱武帝按其文義皆非後人附益闕有稱武帝

為今上者史記作非一時入昭帝未久即卒不及追改也

惟賈生傳末述賈生之孫嘉與余通書至孝昭時列為九卿此孝昭二字則是後人追改其元本當為今上耳而易林言子長忠直李氏為賊禍及無嗣司馬失福漸之尋

釋其詞必係身後表章斷非生前標榜則作於太史公既卒以後無疑其證一也焦延壽之學易梁敬王助其資用

敬王嗣位在昭帝始元二年漢書京房傳云治易事梁人

王王其其資用令極意學既成為郡史察舉補小黃令日

知錄云按此梁敬王定國也以昭帝始元二年嗣位十年

薨當元帝之初元三年易林言從我睢陽可避刀兵詞又言彭離

濟東遷之上庸升之夬日知錄云事睢陽者梁之國都當

吳楚相攻得免殘破漢書梁孝王傳云梁王城守睢陽吳

系考之敬王乃彭離者梁之支屬為有司所奏自取遷流

孝王之元孫彭離為濟東王殺人取財梁孝王傳云子彭離為庶人徙上庸焦氏以梁人事

物有司請誅武帝弗忍廢為庶人徙上庸梁王故述梁事以勸戒則作於敬王嗣位以後無疑其證

三也漢書地理志云金城郡昭帝始元六年置昭帝紀云



始元六年七月置金城郡易林云金城朔方

賤之

則作於

是年七月以後無疑其證四也延壽之弟子京房以元帝

建昭二年為石顯誣害年四十一

據漢書元帝紀及京房傳

上溯其初

生之歲當昭帝元鳳四年其受業延壽至早亦須五六歲

當宣帝本始元年二年之間爾時易林已成延壽常曰得

我道以亡身者必京生也諒早以是書相投矣房不幸早

亡而延壽無恙自昭帝始元六年至成帝建始元年首尾

僅五十載唐王俞序謂延壽當元成之間諒非無據日知

錄謂延壽在昭宣之世更屬有徵蓋昭帝時易林已行成

帝時焦氏猶在顧氏原其始王氏要其終耳昭帝時左傳

未立學官亭林因易林引左氏語甚多疑是東漢以後人

撰而託之焦延壽者先生辨之曰左傳當西漢時雖未立

博士賈誼已為訓故河間獻王傳其學毛詩故訓傳多依

用之於易林何疑焉其援證最爲確鑿毓崧竊謂賈太傅

官梁甚久汪氏中賈誼年表云孝文六年徵拜梁懷王太

以後皆在梁梁人必有從受左傳之學者故焦氏得以私淑諸

人祇可據此定焦氏爲左傳先師不可反謂易林非焦氏

所作也若夫高祖字季而易林言劉季發怒命滅子嬰者

賁之古人未嘗諱字史記漢書高祖紀中言劉季者不一

而足其言劉季猶周人之言王季其言劉季發怒猶大雅

之言王赫斯怒不得謂非漢人所宜言也日知錄論子孫

爲臣子所得而稱故周公追王其祖曰王季王而兼字是

亭林之意固不以稱君父之字爲非也何獨至於易林而

疑之易林又言大蛇當路使季畏懼屯之井何本季作我作

我者固統論常人與高祖無涉卽作季者亦偶舉行輩與

高祖無關易林泛言伯仲叔季其下文云湯火之災切近

我膚賴其天幸歸於室廬損之井作室是也以視高祖之

拔劍斬蛇情境迥別倘因此附會遂謂易林爲王莽時人

所作則莽之曾祖名賀字曰翁孺而易林有東家翁孺之

語豫之又豈莽之臣所宜言乎翟氏云升牟氏庭並謂易

林爲王莽時崔篆所作又以繇詞所言皇母爲定陶傅太

后節之解云皇母多思字養孝孫脫於襁褓成就爲君左

不知易林言皇母亦言元后皆係泛詞而無專屬夫元后

既非王太后良之訟云元后貪欲窮極民力旅之媽云爲

孝元皇則皇母亦非傅太后矣且傅太后與王太后有隙

莽嫉之如寇仇既奏奪其尊號之稱且發掘其墳冢漢書

傳云傅太后既尊後尤驕與成帝母語至謂之姬崩台葬

渭陵王莽秉政奏貶傅太后號爲定陶共王母既開傅太

后棺掘平故冢葬又周易林果作於莽世崔篆安敢加傅

太后以皇母之名耶翟氏又引同人之豫鼎之節云安民

呼池謂安民縣始於王莽時在焦氏後皆是崔非焦之證

先生辨之云毛本同人之豫曰按民湖池黃本作按民呼池翟本又改安民臆改遷就不可從也其駁正詳審洵足以釋翟氏之疑矣毓崧竊謂易林所述漢代地名如六安屯之蠱云蒼梧鬱林比之噬嗑云蒼梧南巴六安蒼梧鬱林鬱林道易利通高奴北至高奴合浦隨之節云金城朔方朔方外國多羊河間封君河莽時皆有改易據漢書地理志莽改六安為安風蒼梧為桓合金城為西海朔使謂安民為莽時地名則六安等方為莽後河間為朔定處何以仍用漢時舊名而不用莽時所改亦足見易林之作必不在偽新之朝矣至於費直序謂莽時建信天水焦延壽所撰鄭端簡謂延壽與孟喜高相同時非王莽時人費直亦非莽時人其說是也牟氏明知費序之偽而猶據此以為莽時且謂新信聲同大尹誤為天水崔形誤為焦崔篆蓋字延壽先生辨之云西漢諸儒未有代人作序者

此費直之序必依託也徧檢書傳篆無延壽之字東觀漢

記古周易卦林詔問沛獻王輔王厚齋漢志攷亦引東觀

記此文薛季宣序引同並稱以京氏易林占之後漢沛獻

王輔傳善說京氏易京為延壽弟子是為焦氏之學確有

明徵其考訂縝密洵足以正牟氏之失矣毓崧竊謂崔篆

自有易林其孫駟曾用之以筮後漢書儒林傳云孔僖拜

注云崔篆所撰易林也唐時崔羣亦嘗用之以占趙琦因話錄卷六

徐州嘗以崔氏易林自筮遇乾之大畜其繇曰與策法書

藏在蘭臺雖遭亂濟獨不遇災及經王智興之變果除秘

書監也今按焦氏易林即就焦氏之本而稍加移改歟是唐

代中葉其書尚存然新舊唐志著錄以崔氏易林與焦氏

易林並列判然為二焉得以崔氏之書既失遂移焦氏之

書補之試思崔篆客居滎陽而易林言鬪死滎陽師之又

言敗於滎陽虛監篆何必特為此語且崔杼棠姜之亂乃

崔姓所當深諱而易林再四言之

乾之六二云東郭棠姜武氏以亡需之剝云東郭

棠姜武氏破亡之損云東郭棠姜武子以亡坎之升

又何必舉此事以為美談况蔡既濡跡偽朝內懷慚德較

諸延壽以經師而兼循吏者

漢書京房傳云曠以候司先

民化行縣中舉最當遷三老官屬上書願留蕭有詔許增秩留高下懸殊若必改焦為崔

誠恐以人廢言者將有覆瓿之謂也後此讀易林者折衷

於先生之說知其真出西漢名賢之手庶幾因其人以重

其書而益加篤信也夫

咸豐乙卯二月初六日儀徵劉鏡崧謹識